

סדר מסירת מודעה

חכמים ז"ל Ke Ordenaron

(Usually read between מנחה and ערבית after every צבור other than יום כפור).

בעל שני לוחות הברית de nombrado de el **בעל יורה הטאים**.
Disho el **רבי אליעזר** el **מקובל** el **רב הגדול** ke resivyo de su **רבי** i su **רבי** de su **רבי** asta **למשה מסיני** ke disho el Santo Bendicho El, a Moshe. Deskuyerto i savido delante de Mi, ke en ora de su espartimiyento de el ombre, le vyene el Satan a el ombre yeno de ojos de planta de su pye asta su maoyera i espada desvainada en su mano, por degoyar los **סימנים** de el ombre. I si de los syelos era ke davan a el lisensia, lo degoyava klaro por afuera i le dize el Satan a el ombre, "Si es ke vistes la angustia la grande la esta ke tu estas en eya, keres ke te eskape?" Si le atorga, **ח"ו**, i le dize "si", **ח"ו**, dize el Satan "Kafra en El Dyo de los syelos", **ח"ו** i kre'e en la **מצרים** en **ניסים** i di ke eya te izo kuantos **עבודת זרה**, **ח"ו** i di ke eya te mantuvo dezde tu se'er asta el dia el este, i te eskaparé de este **צער**. **מחמת** ke ve el ombre este **צער**, i kafra. I aun ke disheron **חכמים ז"ל** "No el ombre se prende en ora de su **צער**," kon todo esto, va el ombre a **גהינם** por esta kavza. I por esto, es ovligado el ombre por meldar la **מודעה** kon los **עקרים** una vez a la semana, i si no puede, ke la melde una vez al mez, o a lo manko, doz vezes al anyo. I el ke no save meldar, se ayege al lado del ken save meldar i diga kon el, byervo por byervo, i se le konta komo si el la meldára. I ke sea kon **כוונה** i kon **korason kumplido** i kon **minyan** de **dyez** personas i estos son los **עקרים** treje :

1. **Mozotros kre'emos kon emuna kumplida ke El Kriador, bendicho Su Nombre, El solo izo i aze i ará a todos los kriados.**
2. **Mozotros kre'emos kon emuna kumplida ke El Kriador, bendicho Su Nombre, El es uno i no ay segundo, i El solo es nuestro Dyo. El fue, i es, i será.**
3. **Mozotros kre'emos kon emuna kumplida ke El Kriador, bendicho Su Nombre, no es kuerpo ni asemejansa de kuerpo i no a El asemejansa כלל ועקר.**